



UNIVERSITÄTS-  
BIBLIOTHEK  
PADERBORN

## **Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 2. Desumpta ex cap. 8. & 9. Danielis Prophetæ, in quibus  
describitur Danielis Visio arietis bicornis, ab unicorni hirco divicti. Languor  
Danielis & morbus, atque preces ob peccata Populi ...

---

[urn:nbn:de:hbz:466:1-61252](#)

consequendam. Quid jam superest, quod debuit ultrà facere, & non fecit? ergone tanta beneficia, immensi in te amoris indicia, non erunt magnes, qui cor tuum ad redamandum trahat? non erunt stimulus, qui te impellat, ad patienter sufferendum adversa amore Dei? non erunt frænum, quod te retineat, à tam frequenti ostensa optimi Dei? B. Ægidius S. Francisci Seraphici Socius hominem ab amore sœculi ad amorem Dei sui allecturus, hunc ei formavit discursum. Erat non nemo carentis manib⁹, pedib⁹ & oculis, qui ab amico quodam quæsusitus: an si foret in mundo inveniendus aliquis, qui ei oculos ad videndum, pedes ad ambulandum, & manus ad palpandum tribueret, illumne amaret? reposuit ille: amarem haud dubiè, nec amarem tantum, sed & servirem illi fidelissimè; licet exigeret à me servitia, etiam perquam difficilia. Post hæc Ægidius ad peccatorem conversus, ecquis ait: est iste qui tibi oculos, aures, pedes, manus, caput dedit? quis nobilissimum corporis & animæ tuæ compositum donavit tibi, nisi Deus? testante Psalmographo: manus tua fecerunt me, & blasphemaverunt me. Psal. 118. Si ergo non tantum ad amorem mutuum, sed etiam ad duram servitudinem te profitereris illi, à quo isthæc acceperisses beneficia, qualem te geres erga Deum tuum? Idem argumentum tibi Christiane objicitur: responde in forma, solvendo illud gratò mutui amoris signo; alias eris à Dæmone æternum insaccandus. Perpende quæsto: quō fervore cœlestes illi spiritus, à Daniele v. 10. citati cap. conspecti, stent à divinis servitiis? millia millium ministabant ei, & decies centena millia assistebant ei. Considera: quomodo bestia illa, summæ ingratitudinis figura, imperfecta sit. v. 12. & perierit corpus ejus & traditum sit ad comburendum igni &c. Nonne par supplicium te exspectat, si cum bestia ista debitum Deo amorem & reverentiam ingratus deneges?

## Doctrina 2.

*Desumpta ex cap. 8. & 9. Danielis Propheta, in quibus describitur Danielis Visio arietis bicornis, ab unicorni hirco divicti. Languor Danielis & morbus, atque preces ob peccata Populi fusæ.*

Considera: **V**iros Divini visionib⁹ à Deo donatos, plerumque N. 409. corporea laborasse infirmitate, prout Daniel suo Zzz 3 exem-

exemplō cum pluribus aliis id docuit. Testatur equidem v. 27. elangui & agrotavi per dies plurimos. Causam talium morborum affignare videtur Gregor. M. lib. 3. Dialog. c. 24. dicens: caro enim ea, quae sunt spiritus, capere non valet, & idcirco nonnumquam cum mens humana ultra se ad videndum ducitur, necesse est: ut ad hoc vasculum, quod ferre talenti pondus non valet, infirmetur. Verum hæc ipsa corporis infirmitas animæ sanitas est: retrahitur enim illa à Spiritu elationis, dum corpus deprimitur doloribūs, & eò liberius mens ad superna volat, quò caro magis ad dolores descendit. Teste Solinō generosissimum fortissimumque animal Leo quartanam sèpè patitur, ut ejus ira tempereatur. Elephantes ægri colligunt salubres herbas, & antequam eis vescantur, caput ad cœlum cum herbis levant, quasi Religionem per morbum edoëti, pro auxilio fiunt supplices Cœlo. Nunquam ad tam claram Dei cognitionem pervenisset, in umbra Gentilitatis sedens Naaman Syrus, nisi habuisset corpus lepræ affectum. Nunquam ad tam profundam humilitatem se demississet Ezechias Rex, nisi ægrotasset ad mortem. Seraphicus Franciscus morbos & dolores fratres suos compellare consueverat, & admonitus, ut rogaret Deum pro iisdem amovendis, se in terram abiiciens dixit: gratias tibi ago Domine pro dolore, quem patior, & supplex oro, ut cum in centuplum augeas, si tibi ita placeat. Noverat enim Sanctissimus iste Pater: homines nautas imitari, qui cum se mari commiserint, cœlō serenō & afflantibūs Zephyris vacant epulis & lusui, quasi omne periculum, quod ipsis obvenire possit, penitus oblixi. Ubi verò asperior Boreas ingruere, surgere in altum procellæ, jactari hinc inde navis, & naufragium oculis obversari incipit, ocius illi chartas abiecere, seponere cantharos, voluptatum omnium oblivisci, tendere in cœlum manus, dolere de peccatis, Deum sanctosque vocare in auxilium cernuntur. Haud secus se gerunt homines, dum bona fruuntur valetudine: hi enim tunc voluptatibus indulgere, cœlestium rerum memoriam, & animæ salutis curam deponere incipiunt; at graví infirmitate pressi, doloribūs affecti, periculō vitæ exterriti, illiciò ad Cœlum spiriū calidis conserunt, terrena negligunt, de præteritis culpis per confessionem abjectis dolent, dignosque se reddunt cœlesti gratiâ & æternâ gloria. Hinc est: quod cœnæ Evangelicæ, æternæ felicitatis symbolo, non alii nisi cœci, surdi, claudi atque alii corporum defectibus & morbis obnoxii interfuerint: sanis ibidem compa-



comparere recusantibus. Ergo Christiane Lector, si quandoque morbos & dolores corporis patiaris, cogita: hos non esse ad animæ mortem, sed pro gloria Dei & salute tua; ab his enim instar ferri rubiginem amittis, & cœlestium rerum memoriam, quam prospera valetudine perdidisti, hōc antitodō acquires. Aromata fragrantiam tunc spirant, cūm incenduntur: & animæ cœlestia meditantur, cūm eorum corpora infirmitate uruntur, atque delictorum præteritorum memores cum Daniele cap. 9. v. 5. exclamant: peccavimus, iniquitatem fecimus, impie egimus, & declinavimus à mandatis tuis. Siquidè hanc castigantis Dei manum tulerint ad aliquot tempus, tunc prædictur ipsis per Danielis Oraculum: abbrevientur hebdomades &c. doloribus videlicet & morbis citò finem habituris.

### Doctrina 3.

*Desumpta ex cap. 10. & 13. Danielis Prophetæ, in quibus describitur Danielis mortificatio, ejus consternatio abacta per solatum, è Cœlo missum. Senum Babylonie scelus in tentanda Susanna castissima Metrona &c.*

Considera: Personis, Deo per sacram Professionem mancipatis i. N. 410. dem evenire, quod evenerat Danieli versu 12. cap. 10. primò enim die, quō mortui Mundo cor suum ponunt ad intelligendum, ut se affligērent in conspectu Dei, dignos se reddunt, supernis visitationibus tanquam missis è Cœlo Nuntiis recreari, propulsō omnī timore, quem Dæmon, Mundus & caro ingefferant. Inveniunt suavissimam Spiritus Sancti consolationem, ait Gersen noster lib. 3. de imit. Chr. c. 10. §. 5. qui pro amore tuo carnalem abjecerint delectationem. Consequentur magnam cordis latitiam, qui arctam pro nomine tuo ingrediuntur viam, & omnem mundanam neglexerint curam. Cardinalis Bellarm. teste Engelgrav. in comm. confess. §. 1. de se dicere consueverat: cūm esset Religiosus nesciebam penitus, quid invita esset tristitia, cūm factus sum Cardinalis, nescio quid sit letitia. S. Romualdus ultrà centum annos in Religione transsegit, viginti aliis in Mundo transactis. Is verò auditus est asserere: quam longa & misera hac mihi vita tempora, quam brevia & jucunda illa existit. Suatacopius Rex Bohemiæ infelici pugnâ ab Arnolpho superatus, postquam xgrę vincula & mortem effugiens in eremum devenit, ibidem Religiosi instar vitam egit, adeò delitiis